

von Wulf Wager

Oh, Oetti!



Also i ka en guat leida. Der isch net pferkt ond glattgschliffa, wia andere Politiker, der hot Ecka ond Kanta, ond der Kerle isch blitzgscheid. Obwohl der zemlich schnell schwätzt, ond Präsident vom 1. Schnellprecherond buchstabaverwechselongsverein Ditzinga isch, schwätzt er manchmol no schneller als er denkt. Des mach mol oiner noch!

Dr Günther Oettinger, onser ehemaliger Minischterpräsident

ond jetziger EU-Kommissar, ka net bloß Schwäbisch, sondern au guat Englisch. Mr vrstoht den halt bloß em Schwobaländle, weil er sei Herkunft net verleugna ka. Der schwätzt Schwänglich, ond manachmol auch Überschwänglich. Ond deshalb isch er grad dia Sau, dia durch's Dorf trieba wird. Weil er die Chinesa als Schlitzauga bezeichnet hot.

Semmr mol ehrlich mir hend doch an Haufa Völker, über die mr sich mit Necknama luschtig macht: Spagettifresser, Froschfresser, Gelbfiaßler...

Ond au mir Deutsche hend em Ausland an Haufa "Necknama: Die Amerikaner nennat ons "Krauts", dia Öschtreicher "Piefkes", Badenser nennat ons "Spätzlefresser" ond so weiter. Do schenkt sich koiner was. Do kam'r doch au mol die Chinesa als Schlitzauga bezeichna. Die bezeichnat ons jo au als "Langnasa".

Aber klar, die Presse hot wieder ebbes, wo se da morali-sche Zeigefenger heba ka. Koi Angscht "it go's away – as we say in Tschermän!"

Have a nice Weekle

Ihr

A handwritten signature in black ink, appearing to read 'Wager', with a long, sweeping flourish extending to the right.

Alle Kolumna zom nochlesa ondr: www.woascht.de